

Svijet crne magije (5)

Svako vatreno oružje je prokletost i iz njega neprestano bije negativna energija!

Zoran Petrović Šumadinac, ezoteričar, parapsiholog i radioesteziolog, kroz serijal tekstova o crnoj magiji, Aurine čitatelje će pokušati pobliže upoznati sa ovim velikim zlom, te pokazati načine na koje se magija može prepoznati, izbjeći, preduhitriti te ukloniti. Zoran je dobitnik brojnih priznanja za svoj dugogodišnji rad tokom kojeg je pomogao mnogim nevoljnicima. Opširno o Zoranovoj praksi Aura je pisala u više navrata, a pojedine tekstove možete pronaći i na Aurinom portalu. Za više detalja posjetite i Zoranovu stranicu www.zoransumadinac.com, gdje možete pronaći i njegove kontakt podatke.



Piše:
Zoran Petrović
Šumadinac

Oduvijek se znalo da postoji crna magija odnosno da našim životnim putem, sudbinom, može upravljati i ljudski faktor preko crne magije.

Vijekovima se crna magija provlači kroz historiju čovječanstva, mnogi se plaše, brinu i štite, dok dobar dio ljudske populacije uopšte ne vjeruje u postojanje sila nečastivih i uvjereni su da je u pitanju „prazna priča“.

No, mnogi potpuno zdravi bračni parovi naprimjer, nemaju potomstva zbog crne magije ili negativne energije, mnogi rade, „ubijaju“ se od posla, a žutog cvonjka ne vide, mnogi su žrtve raznoraznih bolesti za koje medicina nema ni objašnjenja ni lijeka...

Moja je želja da kroz serijal konačno skinemo veo tajne i misticizma sa crne magije te da i nevjerne tome ubijedimo u njeno postojanje i prisustvo ali i da naučimo i onima koji ne znaju - pokažemo kako se efikasno zaštititi od ovog zla.

Energija vatrene oružja

Na žalost, u većini kuća ili stanova, mnogi drže vatrena oružja svih profila. Ovaj kratki tekst koji slijedi, namijenjen je upravo njima.

Vatreno oružje svih oblika i namjena je samo po se-

bi negativno i iz njih neprestano zrači negativna energija.

Vatreno oružje je u neku ruku i prokletost jer se njime uglavnom oduzimaju životi kako ljudski tako i životinjski. Vatreno oružje ni u kom slučaju ne smije se držati u kući gdje inače živimo iz razloga što neprestano iz sebe širi negativnu energiju kao i stagnaciju kuće na nekim od poljima. Pogledajte malo bolje oko vas i primijetite ćete da svaka kuća koja posjeduje vatreno oružje ima probleme; problemi su ili zdravstveni, psihološki...problemi sa neplodnošću, neslogom, netrpeljivošću, siromaštvom...a veoma često iz tog istog oružja strada i po neki član kućanstva.

Prije nego li kupite i unesete u vaš dom ovu jako negativnu stvar, dobro razmislite i donesite pravednu odluku da takvim spravama nije mjesto u vašem domu.

Zemaljske i kosmičke energije

Zemaljske i kosmičke energije takode mogu izazvati mnogo problema, ne-daća i bolesti.

Mnogi (većina) nažalost ljudi grade svoje kuće ili kupuju stanove, a da pri tom ne znaju šta ih čeka. Kada pronademo kutak za sebe i svoju porodicu, ne mora značiti da je baš taj kutak, taj topli dom - savršen.

U većini slučajeva, u inostranstvu, ljudi prije nego što se usele i odluče da će kupiti (napraviti) sebi dom, najprije pozovu radioestezi-

Raskrsnice obiluju lošom i kobnom energijom!





Vatreno oružje svih oblika i namjena je samo po sebi negativno i iz njih neprestano zrači negativna energija

ologa da provjeri energetske vrijednosti (jone) nekretnine i pridržavajući se uputa radioesteziologa tako se i ponašaju. Energije samog prostora su od neprocjenjivog značaja jer poneki put nam i sam život zavisi od energija doma.

Mnoge se osobe razbole tjelesno i nikako lijeka ne mogu da nadu ili dolazi do psihičkog razora, a lijeka niotkuda. Mnogi tada misle da im je rađena crna magija ili nešto slično no, nije riječ o magiji uvijek, već jednostavno nekad zbog energija zemaljskih ili kosmičkih, imamo takva dešavanje tj. reagovanje našeg tijela i uma na date energije.

Kućne energije mogu biti rasporedene po dijagonali, vertikalno ili presjecane energije. Primjera radi, dvospratna kuća, prvi sprat ili jedan dio sprata može biti pozitivan tj. dobar, a drugi dio kompletno nestabilan tj. izmjenljiv ili potpuno neupotrebljiv ili obrnuto.

Energije se neizmjenično mogu mijenjati tako da na početku sobe budu jako pozitivne, na polovini sobe solidne kao i na kraju sobe kompletno neupotrebljive.

Energije kupatila i kuhinje se nikada ne računaju mada se dešava da ukoliko energija kuhinje nije dobra, crkavaju električne stvari češće nego bi to trebalo.

Ukoliko duže od dvije godine spavate ili duže vrijeme sjedite preko dana na negativnom energetskom mjestu (energetskom

čvoru), veliki su izgledi da ćete imati zdravstvena pogoršanja, (u zavisnosti od položaja tijela), psihološke smetnje pa sve do nekih jako teških i neizlječivih bolesti (kancer, epilepsija, leukemija itd).

Takođe dolazi i do velikih svada i rasprava sa članovima kuće, do nemogućnosti da porodica (članovi kuće) napreduju u bilo kom smislu...

Vrste energije

Postoje kosmičke, podzemne, vazdušne struje energetske...Na ove energije tj. njihovo stvaranje, može utjecati blizina dalekovoda, raznih tornjeva, antena, predajnika i dr. Kod tih kuća, stanova i poslovnih objekata, potrebno je premjeriti energije i ako je moguće, očistiti ezoterijskim ili radioesteziološkim činom.

Preporučuje se da se takvi objekti čiste najmanje tri puta za 18 mjeseci kako bi imalo dobrog efekta. Nakon toga, dovoljno je ispitivanje i čišćenje na godišnjem nivou ukoliko je mnogo zaprljano, a ukoliko nije, jedanput u tri godine. Takođe je više nego povoljno i jako preporučljivo da u vašem domu ili poslovnom prostoru imate magične orgonit piramide ili kristale koji na prirodan i neškodljiv način čiste vaš dom od energetskih utjecaja. Dobro je u kući držati kristal tigrovo oko ili gorski kristal. Više detalja o kristalima možete naći na

70. strane AURE.

Nagazi

Šta su to nagazi i kako se manifestuju? Magija koja se pravi na zemlju (u vidu takozvanog „nagaza“) ponajprije djeluje na zdravlje nekog pojedinca ili cijele porodice, često stradavaju kosti (ruku, nogu, kičme), pa se osoba - žrtva „nagaza“ bezrazložno spotiče i/ili pada čak i na potpuno ravnoj površini, pri čemu katkada ima utisak kako ju je nešto nevidljivo gurnulo ili podiglo uvis, a zatim bacilo na zemlju.

Nerijetko stradavaju i vene i to kod ljudi u srednjim i poznim godinama, koji se uz velike napore jedva kreću. U nepovoljnim okolnostima „nagaz“ može



Dobro je u kući držati kristal tigrovo oko ili gorski kristal

izazvati i teška reumatska oboljenja i kod mladića, i kod djevojaka. Pod nagazom smatra se i sljedeće: Mnoge osobe idu kod raznih deka i baka po selima za otklanjanje magija, uroka itd. i onaj ko vam to uradi obično kaže (uzmi ovo sada i baci na neku raskrnicu ili na neki dio puta). Vi poslušate i uradite tako, međutim prvi slučajni prolaznik koji naide na to mjesto „pokupi“ negativnu energiju i pošlje sedam dana počinje za tu osobu pakao. SAVJET: Gdje god da idete, kome god - ako vam ta osoba nešto da da bacite, nemojte to činiti jer, samo sa sebe

skidate zlo, a pravite ga drugome. Što ne želite vama da se desi, ni drugima ne činite!

Porodična prokletstva

Jako je važno napomenuti i porodična ili osobna prokletstva; mnogi odlaze kod raznih magova i vidovnjaka da bi otklonili dato prokletstvo, ali evo šta je istina u vezi toga.

Porodično prokletstvo bez sumnje najteži oblik crne magije zato što ne pogada samo jednu osobu ili jednu generaciju ukućana već se to prokletstvo prenosi i proteže na čak sedam budućih pokoljenja.

Porodično prokletstvo može nanijeti kako osoba sa strane, tako i neko unutar same porodice. Najteža kletva je majčina, kada proklinje čedo, koje je rodila, pa zbog toga - upozoravam majke i očeve, braću i sestre - nikada ne proklinjite bližnje, a niti ikoga drugoga! Posljedice ove vrste magije gotovo su nesagledive!

Postoje ta prokletstva porodična koja se ne mogu otkloniti nikako; prokletstva koja je Gospod spustio na neku porodicu iz Njemu znanih razloga; česwto je to zbog naših loših djela, kletvi, krivokletstava, itd.

Takva prokletstva niko osim Boga ne može da raskine, tu vam ne mogu pomoći nikakve vračare, vidovnjaci...

Pomoći vam samo može pokajanje, iskreno naravno, bogobožnost, molitva (dova), sadaka (udjeljivanje milostinje), prilozi hramovima, post, što više dobrih djela...

U sljedećem nastavku govorit ću o aurskoj zaposjednutost, privlačenju magije i nevolje u vlastiti život te na koji način sami sebe možemo nesvjesno omađijati